

四庫全書

子部

欽定四庫全書

喻林卷七十五

明 徐元太 撰

臣術門 二

諫諍

正物之器不獨規也規以正圓矩以正方繩正曲直權
正輕重皆可以比諫君獨言規者以主仁恩以恩親正
君曰規規之使圓則外無廉隅猶人之為恩貌不嚴肅
故五行規主東方是主仁恩也

毛詩正義
正
沔水

摩厲以須王出吾刃將斬矣

左傳昭公十二年

諫必三者取月生三日而成魄臣道就也

何休解公羊莊公二十四

年

愛之能勿勞乎忠焉能勿誨乎

論語憲問

昔者天子有爭臣七人雖無道不失其天下諸侯有爭臣五人雖無道不失其國大夫有爭臣三人雖無道不失其家士有爭友則身不離於令名父有爭子則身不

陷於不義

孝經

今我以忠辨吾君王譬浴嬰兒雖啼勿聽彼將有厚利

越絕請

羅內傳

千羊之皮不如一狐之腋千人之諾諾不如一士之諤

諤

史記商君傳

鷙鳥累百不如一鶚

前漢書鄒陽傳

卿不識韓非逆鱗之言耶而歛摩天子逆鱗自知所陳

誠願願觸猛獸之鬚耳

晉書傳咸傳

臣聞之近臣嘿遠臣瘖

晏子諫上

畏鞭箠之嚴而不敢諫其父非孝子也懼斧鉞之誅而不敢諫其君非忠臣也

韓詩外傳

扁鵲不能治不受鍼藥之疾賢聖不能正不食諫諍之

君

鹽鐵論
相刺

臣之諫君何取法法金正木也子之諫父法火以操木也臣諫君以義故折正之也子諫父以恩故但操之也

木無毀傷也

白虎通
諫諍

火性有恒寒暑雖至不為增減猶正直之臣堅意犯顏

不變其色

太玄經第六訓解

百尺之高累於九基之上千鈞之重懸於一木之枝是

以截虎尾而非險傷龍鱗而未危

文苑英華庚信連珠

桀觀炮烙於瑤臺謂龍逢曰樂乎逢曰樂桀曰觀刑曰

樂何無惻怛之心焉逢曰天下苦之而君為樂臣為君

股肱孰有心悅而股肱不悅乎桀曰聽子諫諫得我功

之不能我刑子龍逢曰臣觀君冕非冕也冕危石也臣

觀君履非履也履春冰也未有冠危石而不壓蹈春冰

而不陷桀嘆曰子知我之亡而不自知亡子就炮烙之
刑吾觀子亡子不知我亡龍逢行歌曰造化勞我以生
休我以炮烙乃赴火而死

太平御覽皇
王部帝桀

勤事

殷音隱其雷在南山之陽何斯違斯莫敢或違 殷其雷

在南山之側何斯違斯莫敢遑息 殷其雷在南山之

下何斯違斯莫敢遑處

詩國風
殷其雷

旄丘之葛兮何誕之節兮叔兮伯兮何多日也

詩國風
旄丘

予手拮

音吉

据

音居

予所持

力活反

荼

予所蓄

租

予胡反

予口

卒

瘠

音徒

曰予未有室家

叶古胡反

予羽譙譙

音焦

予尾脩脩

音消

予

室翹翹

風雨所漂搖

予維

音曉

曉

音翯

國風

鴟

詩

翩翩

音篇

者離

音佳

載飛

載下

叶後反

集于苞栩

音許

王事靡盬

不

遑將

父翩翩

者離

載飛

載止

集于苞杞

王事靡盬

不

遑將

叶滿彼反

母

詩小雅四牡

有杕

音第

之杜

有睢

音莞

其實

王事靡盬

繼嗣

我日

有杕

之杜

其葉萋萋

王事靡盬

我心傷悲

陟彼北山

言采

其杞王事靡盬憂我父母

詩小雅
扶社

小星小臣奉使行役之詩

詩說
召南

土氣緩則葛生閤節衛伯不恤其職故其臣於君事亦

疏廢也

鄭氏箋
詩龍丘

彼采葛兮一日不見如三月兮彼采蕭兮一日不見如

三秋兮彼采艾兮一日不見如三歲兮傳曰葛所以為

絺綌也事雖小一日不見於君憂懼於讒矣蕭所以共

祭祀艾所以瘳疾箋云以采葛喻臣以小事使出彼采

蕭者喻臣以大事使出彼采艾者喻臣以急事使出

鄭氏

芟詩

采芻

翩翩然者離之鳥也此鳥其性慤謹人皆愛之可以不

勞猶則飛而後則下始得集於苞栩之木言先飛而後

獲所集以喻人亦當先勞而後得所安

毛詩正義四壯

鷙蟲攫搏不程勇者引重鼎不程其力

禮記儒行

夫適市之妻教嗣冀除出亡之君勅臣守禦子問以事

臣謀以能

吳越春秋勾踐入臣外傳

春日將至百草從時君王動大事羣臣竭力以佐謀

越絕

請雜

內傳

夫君者舟也人者水也羣臣乘舟者也將軍兄弟操楫者也若能平志畢力以度元元所謂福也如其怠弛將淪波濤可不慎乎

後漢書皇甫規列傳

志不求易事不避難臣之職也不遇槃根錯節何以別

利器乎

後漢書虞詡列傳

為人下者其猶土也深扣之而得甘泉焉樹之而五穀

蕃馬草木殖焉禽獸育焉生則立焉死則入焉多其功

而不息

荀子
免問

為人臣者譬之若手上以修頭下以修足清煖寒熱不

得不救入鎔鄒傳體不敢不搏

韓非子
有度

首如蓬葆體如漆幹勞瘁辛苦如此其重也

蔡成郎集
讓高陽侯

臣喻股肱則手足也履冰執熱不得辭焉是以古人方

之於地掘之則出水泉樹之則秀百穀生者立焉死者

入焉功多而不望賞勞瘁而不敢怨審識斯術保已之

要也

抱朴子外篇臣節

僕以為戴盆何以望天故絕賓客之知亡室家之業日夜思竭其不肖之才力務一心營職以求親媚於主上

文選司馬遷報任少卿書

使獲耀日月之末光絕炎以展采錯事

文選司馬長卿封禪文

譬猶衆目營方則天網自昶四體辭難而心膺獲又

文選

陸機五等

諸侯論

君者中心臣者外體外體作然後知心之好惡臣下動

然後知君之節趨好惡不形則是非不分節趨不立則

功名不宣

文選王子淵
四子講德論

被鞍銜鍊盡力馳驟指蹤投繯驚兔或擒而弱才負重

折足是慮

文苑英華
魏收移文

名公賢者也明不能與聖人分職常戰慄恐懼故舍於

樹下而聽斷馬勞身苦體然後乃與聖人齊是周南無

美而召南有之

初學記
人部賢

螢光向日盡蚊力負山疲

初學記職官
部中書侍郎

若真生馬繫槽櫪上不念水草但作是念駕乘之事

雜阿

舍經卷

三十三

立功

夫賢士之處世也譬若錐之處囊中其末立見

史記平原君傳

經營宇宙寧唯斷鰲足之功弘濟蒼生非直鑿龍門之

嶮

陳書高祖上紀

隆家光國盛烈與河海爭流授命滅親峻節與竹柏俱

茂

周書孝義傳

高勲踰於象緯積德冠於嵩華

陳書高祖上紀

帷幄盡其謨猷方面宣其庸績擬巨川之舟楫為大廈

之棟梁

周書寇洛史臣傳

次七拔石砢

之人切

砢力沒以盡測曰拔石砢砢乘時也

太玄經

第六難

事輕葭莩功薄蟬翼

蔡中郎集讓高陽侯

泰山之功長立於國家日月之明久著於天地

李善註文選揚

于雲

解嘲

禽息鳥視終於白首此徒園牢之養物非臣之所志也

文選曹植

求自試表

膏蘭孰為消濟治由賢能

文選潘正叔
贈王元凱詩

志在高構增堂及陞

文選袁宏
名臣序贊

大略淵回元功響效

文選陸士
衡功臣頌

將使伊周奉轡桓文扶轂

文選任昉到大
司馬記室箋

芳樹雖香難以餌烹尸位素餐難以成名

廣文選曹子
建矯志詩

五絲為緝倍緝為升倍升為絨倍絨為紀倍紀為綬倍

變為禪皆自少之多自微至著也士之立功勲効名節

亦復如之勿以小善不足修而不為也

廣文選鄒長倩道公孫賢良書

景照明以妙見音振響而據聞金淬堅以示斷芭靡質

而效芬

廣文選陸士龍考志

前世俊士立功垂名圖畫於殿閣宮省此乃國之大寶

亦無價矣雖積和璧累夏璜囊隋侯篋夜光未足喻也

意林

新論

萬尋由積置千里一步超

藝文類聚人部贈答詩

康衢飛駿羽大海滴微涓

文苑英華張王
見應制二詩

進賢

野有蔓草晉曰季薦卻缺于文公晉人美之

詩說
唐

有至誠之心思遲此賢者欲致之於朝猶罩者之願魚

也

毛詩正義
南有嘉魚

鄒忌事宣王仕人衆宣王不說晏首貴而仕人寡王說
之鄒忌謂宣王曰忌聞以為有一子之孝不如有五子
之孝今首之所進仕者以幾何人

戰國策
齊宣王

淳于髡一日而見七人於宣王王曰子來寡人聞之千里而一士是比肩而立百世而一聖若隨踵而至也今子一朝而見七士則士不亦衆乎淳于髡曰不然夫鳥同翼者而聚居獸同走者而俱行今求柴胡桔梗於沮澤則累世不得一焉及之罽泰梁父之陰則却車而載耳夫物各有疇今髡賢者之疇也王求士於髡若挹水於河而取火於燧也髡將復見之豈特七士也

戰國策
齊宣王

夫富貴在身而列士不舉是有狐白之裘而反衣之

前漢

紀孝

元上

君顏色何以消減於故邪孔曜言體中無藥石之疾然見清河郡內有一騏驎拘繫後廐厯年去王良伯樂百八十里不得騁天骨起風塵以此憔悴耳

魏志管輅傳註

使君方欲流精九皋垂神幽藪欲令明主不獨治逸才不久滯高風遐披莫不草靡宜使輅特蒙陰和之應得及羽儀之時必能翼宣隆化揚聲九國也

魏志管輅傳註

貢玉之士歸之潤山論珠之人出於枯岸是以芻蕘之

言擇於廊廟者也

梁書顧協傳

昔荆玉未剖刖卞和之足百里未用碎禽息之首

隋書王孝

籍儒

林傳

肥利之地不為私邑賢質之士不為私臣

晏子問下

歸國寶不若獻賢而進士

墨子親士

下臣事君以貨中臣事君以身上臣事君以人

荀子大略篇

少室周為襄主驂乘至晉陽有力士牛子耕與角力而不勝周言於主曰主之所以使臣騎乘者以臣多力也

今有多力於臣者願進之

韓非子外
儲說三

少室周者古之貞廉潔慤者也為趙襄主力士與中牟徐子角力不若也入言之襄主以自代也襄主曰子之處人之所欲也何為言徐子以自代曰臣以力事君者也今徐子力多臣臣不以自代恐他人言之而為罪也

韓非子外

儲說左

齊有隱士東郭先生梁石君當曹相國為齊相也客謂匱生曰夫東郭先生梁石君世之賢也隱於深山終不

誦身下志以求仕者也吾聞先生得謁曹相國願先生
為之先臣里母相善婦見疑盜肉其姑去之恨而告於
里母里母曰安行今令姑呼汝即束蘊請火去婦之家
曰吾犬爭肉相殺請火治之姑乃直使人逐去婦還之
故里母非談說之士束蘊請火非還婦之道也然物有
所感事有可適何不為之先匱生曰愚恐不及然請盡
力為東郭先生梁石君束蘊請火於是乃見曹相國曰
臣之里有夫死三日而嫁者有終身不嫁者自為娶將

何娶焉相國曰吾亦娶其終身不嫁者耳匱生曰齊有
隱士東郭先生梁石君世之賢士也隱於深山終不詘
身下志以求仕相國娶婦欲娶其不嫁者取臣獨不取
其不仕之臣耶於是曹相國因匱生束帛安車迎東郭
先生梁石君厚客之

韓詩
外傳

珠玉者人主之所貴也和雖獻寶而美未為玉尹用也
進寶且若彼之難也況進賢人乎賢人與奸臣猶仇讐
也於庸君意不合夫欲使姦臣進其讐於不合意之君

其難萬倍於和氏之璧又無斷兩足之臣以推其難猶拔山也千歲一合若繼踵然後賢王之君興焉其賢而不用不可勝載故有道者之不戮也宜白玉之璞未獻

耳

新序雜事五

妾聞堂上兼女所以觀人能也妾不能以私蔽公欲王多見知人能也

列女傳周列國楚莊樊姬

且賢儒之不進將相長吏不開通也農夫載穀奔都賈人齎貨赴遠皆欲得其願也如門郭閉而不通津梁絕

而不過雖有勉力趨時之勢奚由早至以得盈利哉

王克

論衡狀

留篇

抱翼之鳳奮翮於清虛頂領之駿騁迹於千里

抱朴子
外篇勗

學

徒能知人不肯薦舉何異知沃壤之任良田識直木之
中梁柱而終不鑿之以播嘉穀伐之以構梁棟奚辭於
不粒何救於露居哉

抱朴子
外篇正郭

夜光之璧顯價於和氏之肆千里之足定功於伯樂之

庭

廣文選應休連薦和慮則箋

公孫枝獻百里奚於繆公三月請屬事焉公曰買之五

羊之皮而屬事無乃為天下笑乎

藝文類聚人部賢

鳳鳴朝陽必資藍田之寶龍門點額亦俟堂溪之珍是

以紫玉見稱黃金為貴

藝文類聚治政部薦舉啟

殷殿初基拾龍淵之寶虞祠始構獻鳳管之王

文苑英華梁元

帝薦

舉表

欲報君以財幣則君府藏已盈而役又貧欲報君以美

善恐未合君心而徒言不聽也願有報君者唯達賢耳

太平御覽人

事部叙賢

天羅廓矣野人猶有罩翳之勤

太平御覽
資產部罩

昔百里奚賢秦繆公欲用之繆公好牛奚因賃官以養牛蹄上乘肉三寸公使禽息行牛息入言之公不信怒息後言之公又怒吏曰再怒其主罪當刖使守門公出禽息跪而請之曰夫養牛者願君勿忘也公乃問百里奚曰臣之長非養牛者也乃養民也公視牛察之則賢

人也遂與同車而出謝禽息曰所以不死者君未知客

也今已知之矣乃觸門而死

太平御覽
獸部牛中

稱任

上九或錫之鞶帶終朝三褫之

易訟

大車以載積中不敗也

易大有

棟撓本末弱也

易大過

棟撓之凶不可以有輔也

易大過

棟隆之吉不撓乎下也

易大過

六三負且乘致寇至貞吝

易解

九四鼎折足覆公餗

易鼎

六二鴻漸于磐飲食衎衎吉象曰飲食衎衎不素飽也

易漸

負也者小人之事也乘也者君子之器也小人而乘君

子之器盜思奪之矣

易上繫

斧小不勝柯者亡

汲冢周書史記解

譬若敗犬驕用逐禽其猶不克有獲

汲冢周書皇門解

不稼不穡胡取禾三百廛兮不狩不獵胡瞻爾庭有縣

音貍音宣兮彼君子兮不素餐宣叶七兮不稼不穡胡取

禾三百億兮不狩不獵胡瞻爾庭有縣特兮不稼不

穡胡取禾三百困兮不狩不獵胡瞻爾庭有縣鵲

音純兮詩國風伐檀

維鵜在梁不濡其翼彼其之子不稱其服音聲其服叶蒲

維鵜在梁不濡其味音畫彼其之子不遂其媾音垢詩國風候人

節彼南山維石巖巖赫赫師尹民具爾瞻詩小雅節彼南山

污澤善居泥水之中在魚原以不濡汚其翼為才如君

子以稱其服為有德

鄭氏註禮記表記

美服不稱必以惡終美車何為

左傳襄公二十七年

子于鄭國棟也棟折榱崩僑將厭焉敢不盡言

左傳襄公三十

年一

三公鼎足承君一足不任則覆亂美實

前漢書彭宣傳

近臣已不足杖矣屋大柱小可為寒心

前漢書李尋傳

鼎足不彊棟幹微撓

前漢書佞幸傳贊

夫德不稱祿猶鑿墉之趾以益其高豈量力審功安固

之道哉

後漢書皇甫規列傳

公餽覆而不憂美錦碎而愈截

後漢書志百官五註

玩既拜有人詣之索杯酒瀉置柱梁之間呪曰當今乏

材以爾為柱石莫傾人梁棟邪

晉書陸玩傳

況臣糠粃糲之彫胡庸夫錦衣不稱其服也

晉書皇甫謐傳

或曰食如蝱衣如華朱輪駟馬金朱煌煌無已泰乎曰

由其德舜禹受天下不為泰不由其德五兩之綸半通

之銅亦泰也

揚子
孝至

次五不田而穀穀于棟祿測曰不田而穀食不當也

太玄

經第

三穀

次六穀于棟柱利安大主測曰穀于棟柱國任彊也

太玄

經第

三穀

竊人之財猶謂之盜况偷天官以私已乎以罪犯人必

加誅罰况乃犯天得無咎乎

潜夫論
貴忠

生非工女職不狎練

蔡中郎集
讓尚書

君無虛授臣無虛任故無負山之累折足之憂也

劉子均任

豐有折肱而鼎覆其餽書歌股肱詩刺南山

初學記職官部太尉

司徒司空

今以一節之任建三軍之威豈特寵其八大之竹犛牛

之尾哉

玉海器用符節

譬樹木粗強故枝條共壓其上亦猶梁棟宏壯故椽瓦

壓其上也

道德經註疏卷八

行令

皇皇者華君遣使臣也送之以禮樂言遠而有光華也

毛詩皇

皇者華

木葉搞待風乃落君有政教臣乃行之

鄭氏箋
詩蔣兮

淠淠然順流而行者是涇水之舟船此舟船所以得順
流而行者乃由衆徒船人以櫂擢之故也以興隨民而

化者乃由諸臣賢者以力行之故也

毛詩正
義棧撰

人之於天也以道受命於人也以言受命不若於道者

天絕之也不若於賢者人絕之也

穀梁莊
公元年

次四準繩規矩莫違我施測曰準繩規矩由身行也

太玄

經第

三法

夫明君之詔也若聲忠臣之和也如響長短大小清濁

疾徐必相應也

潛夫論
實貢

夫法令者人君之銜轡箠策也而民者君之輿馬也若使人臣廢君法禁而施已政令則是奪君之轡策而已

獨御之也

潛夫論
衰制

受命如絲明之如緡

文選王褒四
子講德論

震為雷，巽為風，雷動風行，二者相成，猶人君出教令，臣

奉行之

玉海周易
鄭康成註

所謂行人受使，四方往復，王命如日照，使流光原隰，幽

谷無私

大方廣佛華
嚴經卷十二

攻邪

上六公用射隼于高墉之上，獲之，无不利。象曰：公用射

隼，以解悖也。

易解

九三壯于頄，有凶。君子夬夬獨行，遇雨若濡，有愠无咎。

易
夫

激揚之水可謂不能流漂一束之楚乎言能流漂之以

興忠臣良士豈不能誅除逆亂之臣乎言能誅除之

毛詩

正義揚

之水

譬于禽獸臣食其肉而寢處其皮矣

左傳襄公二十一年

貂勃曰跖之狗吠堯非貴跖而賤堯也狗固吠非其主

也且今使公孫子賢而徐子不肖然而使公孫子與徐

子鬪徐子之狗猶將攫公孫子之腓而噬之也若乃得

去不肖者而為賢者狗豈特攫其腓而噬之耳哉

戰國策齊

裏

王

農勤於除草故穀稼豐茂忠臣務在除姦故令德道長

後漢紀

孝桓下

毅將彈河南尹司隸不許曰攫獸之犬鼯鼠蹈其背毅

曰既能攫獸又能殺鼠何損於犬

晉書劉毅傳

彤嘗大會謂叅軍王銓曰我從兄為尚書令不能啖大

嚮大嚮故難銓曰公在此獨嚮尚難矣

晉書宣五王傳

行父盡忠無禮斯疾農夫去草見惡必耘

南齊書謝超宗傳

曾無犬馬識主之誠方懷梟獍返噬之志

魏書侯剛思倖傳

夫猛虎憑威于山猶猛臣憑威于國不可逸也故猛虎在山勇者制之猛臣在國仁者制之昔虞有猛臣曰驩兜虞舜驅之周有猛臣曰飛廉周公戮之魯有猛臣曰少正卯孔子誅之此皆制于仁者也嗟乎今國之猛虎逸矣而仁者不制豈無仁者與抑仁者在下位而不能

制與

天祿閣外史
崑山

義痛其心事傷其目

文苑英華孔
熙元檄一

良農耘穡勿使能植无禮是逐安惜翅翼

初學記職官
部御史中丞

唯當擊隼去復覩落鵬歸

初學記職官
部侍御史

盡職

主歷之官為歷之法節氣先天時者殺無赦不及時者
殺無赦失前失後尚猶合殺况乎不知日食其罪不可

赦也

尚書正
義疏征

忠臣奉使能光君命無遠無近如華不以高下易其色

毛詩皇

皇者華

土氣緩則葛生閼節衛伯不恤其職故其臣於君事亦

疏廢也

鄭氏箋
詩施丘

言碩人既有武力比如虎可以能御亂矣又有文德能
治民如御馬之執轡使之有文章如織組矣以御者執
轡於此使馬騁於彼織組者摠紕於此而成文於彼皆
動於近成於遠以興碩人能治衆施化於已而有文章
在民亦動於近成於遠矣

毛詩正
義簡分

煌煌然而光明者是草木之華於彼原之與隰皆煌煌而光明不以高下而易其色也以言臣之出使當光顯其君常不辱命於彼遐之與邇皆使光揚不以遠近而易其志也

毛詩正義
皇皇者華

且大將軍之事豈得珪璧其行束修其心而已哉

後漢書馮

衍傳

一州清晏恬波於沸海之中百城安堵靜禔於稽天之

際

晉書劉弘列傳

惟若王官陶均萬國若天之有斗斟元氣酌陰陽弗失

其和

周書蘇
綽傳

坐人物之源運銓衡之柄反披狐白不好緇衣

隋書王
孝籍儒

林
傳

報國之道有四一曰貢賢二曰獻猷三曰立功四曰興

利賢者國之幹猷者國之規功者國之將利者國之用

是皆報國之道惟其能而行之

忠經報
國章

無曰我平而慢爾衡無曰我審而怠爾明

廣文選崔子
玉尚書歲

如虎有牙如鷹有爪國以自固獸以自保牙爪蔥蔥動

作宜時用之不理實反生災

廣文選揚子
雲執金吾藏

且表正而象平日夕而景側處喉舌者患銓衡之無常

不患於不明

古文苑傳玄
吏部尚書藏

後漢庖參為漢陽太守郡人任棠者有奇節隱居教授
參到任時先候之棠不與言但以薤一鉢水一盃置于
屏前自抱兒伏户下參思其微意曰水者欲吾清也薤
者欲吾擊強宗也抱兒當户下者欲吾開門恤孤幼也

率而行之漢陽大治

事文類聚
總管府

司隸校尉舊號卧虎誠以舉綱而萬目理提領而衆毛

順

太平御覽職官
部司隸校尉



喻林卷七十五

欽定四庫全書

子部

喻林卷七十六

詳校官中書_臣朱文翰

主事_臣祁韻士覆勘

總校官原任中允_臣王燕緒

校對官中書_臣朱忻

謄錄監生_臣汪緣

欽定四庫全書

喻林卷七十六

明 徐元太 撰

臣術門三

持體

夫相大官也處大官者不欲小察不欲小智故曰大匠不斷大庖不豆大勇不鬪大兵不寇

呂氏春秋責公

匡章謂惠子於魏王之前曰蝗螟農夫得而殺之奚故為其害稼也今公行多者數百乘步者數百人少者數

十乘步者數十人此無耕而食者其害稼亦甚矣惠王曰惠子施也難以辭與公相應雖然請言其志惠子曰今之城者或者操大築乎城上或負畚而赴乎城下或操表掇以善晞望若施者其操表掇者也使工女化而為絲不能治絲使大匠化而為木不能治木使聖人化而為農夫不能治農夫施而治農夫者也公何事比施

於騰臙乎

呂氏春秋不屈

宓子賤治單父彈鳴琴身不下堂而單父治巫馬期以

星出以星入日夜不居以身親之而單父亦治巫馬期問其故於宓子宓子曰我之謂任人子之謂任力任力者故勞任人者故逸宓子則君子矣逸四肢全耳目平心氣而百官以治義矣任其數而已矣巫馬期則不然弊生事精勞手足煩教詔雖治猶未至也

呂氏春秋察賢

大匠但視模範而已不復自斲削也大庖但調和五味使神人享之而已不復自列簠簋邊豆也大勇之人折衝千里而能服遠不復自鬪也

呂氏春秋貴公解

如刀筆之吏務在筐箱而不知大體

賈子
俗激

譬如工匠但以智心指授而去執斤斧者疲苦終日計

功受賞匠者三倍又如征伐鬪者冒死主將受功

大智
度論

卷二

十八

恭順

上不在天下不在田故乾乾因其時而惕雖危无咎矣

易
乾

坤元亨利牝馬之貞

易
坤

牝馬地類行地无疆柔順利貞君子攸行

易坤

盡於臣道不敢創首唯守其終猶若田農不敢發首而耕唯在後獲刈而已不敢苗發新田唯治其苗熟之地皆是不為其始而成其末猶若為臣之道不為事始而

代君有終也

周易正義无妄

牛者稼穡之資六三僭為耕事行唱始之道而為不順

王事之行故有司或繫其牛制之使不妄造

周易正義无妄

狼跋美周公也周公攝政遠則四國流言近則王不知

周大夫美其不失其聖也

毛詩
狼跋

人臣待君倡而後和

毛詩
韓公註

白鳥集于西雖之澤言所集得其處也杞宋之君有潔

白之德來助祭於周之廟得禮之宜也其至止亦有此

容言威儀之善如鷺然

鄭氏箋
詩振鷺

露之在物湛湛然使物柯葉低垂喻諸侯受燕爵其義

有似醉之貌諸侯旅酬之則猶然唯天子賜爵則貌變

肅敬承命有似露見日而晞也

鄭氏箋
詩湛露

湛湛然在物上者露斯也此物得露而湛湛然柯葉低
垂非見日之陽則不得乾而舒放也以興諸侯受王燕
飲而巍然威儀縱弛非天子之賜爵則不承命而嚴

肅也

毛詩正義湛露

以水無情猶義有朝宗況人而可無朝宗乎

毛詩正義汚水

蘇子謂秦王曰臣聞懷重寶者不以夜行任大功者不
以輕敵是以賢者任重而行恭智者功大而辭順故民
不惡其尊而世不妬其業

戰國策秦昭襄王

且韋弦非能言之物而聖賢引以自匡臣才智闇淺願

自比於韋弦

魏志劉
虞傳

下之事上也如響之應聲也臣之事主也如影之從形

也故上令而下應主行而臣從

管子
任法

夫激矢則遠激水則旱激主則悖悖則無君子矣

呂氏
春秋

去
宥

為人臣者法地之道暴其形出其情以示人高下險易

堅柔剛柔肥臞美惡累可就財

裁同

也故其形宜不宜可

得而財也為人臣者比地貴信而悉見其情於主主亦

得而財之

春秋繁露
離合根

老萊子曰子不見夫齒乎齒堅剛卒盡相磨舌柔順終

以不弊子思曰吾不能為舌故不能事君

孔叢子
抗志

丘能自削故貞猶君子處於高位而善下人亦其正也

太玄經第

一增解

人臣終始盛衰向迎其君如月迎日天理然也

揚子法
言註五

百篇

夫人臣猶如土也萬物載焉而不辭其重水漬汚焉而不辭其下草木植焉而不有其功

意林
體論

譬如馬寶若人乘御便作是念我今不應令乘御人身支搖動疲倦勞苦或損嚴具盤迴去住遲速任人將護其人不令緣我起瞋忿等種種過失

波羅蜜多經
卷五百九十

一心

鴈鳩刺不壹也在位無君子用心之不壹也

毛詩
鴈鳩

壹宿者壹意於其所宿之木也喻賢者有專壹之意

鄭氏

箋詩南

有嘉魚

翩翩而飛者是雛鳥也此鳥由一意於其所宿之木故

久如欲來所以翩翩而飛來集於木也

毛詩正義
而有嘉魚

視君不如奕棋其何以免乎奕者舉棋不定不勝其耦

而況置君而弗定乎

左傳襄公
二十五年

陳軫曰楚人有兩妻者人詭其長者長者詈之詭其少者少者許之居無幾何有兩妻者死客謂詭者曰汝取長者乎少者乎取長者客曰長者詈汝少者和汝汝何

為取長者曰居彼人之所則欲其許我也今為我妻則欲其為我詈人也今楚王明主也而昭陽賢相也軫為人臣而常以國情輸楚楚王必不留臣昭陽將不與臣

從事矣

戰國策秦惠文君

僕以為戴盆何以望天故絕賓客之知忘室家之業

前漢

書司馬

遷傳

苦身待士不如為國戴盆望天事不兩施

後漢書第五倫傳

誠知晉之宗廟鞠為茂草亦猶洪川東逝往而不還

晉書

石勒

上記

臣心如面臣面可改則臣心可改

陳書傳
緯傳

一人兩心其中必衰

太公六
韜六伐

二心不可以事君疑志不可以應敵

太公六
韜立將

十至於私人之門不一至於庭百慮其家不一圖其國

數雖衆非以尊君也百官雖具非以任國也

管子
明法

為地戰者不能成其王為祿仕者不能正其君

晏子春
秋稷上

嬰聞之順愛不懈可以使百姓暴強不忠不可以使人

一心可以事百君三心不可以事一君仲尼聞之曰小

子識之晏子以一心事百君者也

晏子問下

欲入則入欲出則出欲親則親欲疎則疎欲就則就欲

去則去欲求則求欲思則思若蚨母之從其子也

鬼谷子內

捷

行衢道者不至事兩君者不容目不兩視而明耳不兩

聽而聰螭蛇無足而飛梧鼠五技而窮

荀子勸學

古者蒼頡之作書也自環者謂之公背公謂之公公公

之相背也乃蒼頡固以知之矣

韓子
五蠹

兩心不可以得一人一心可以得百人

淮南子
繆稱訓

鵠鵠以一心養七子君子以一儀養萬物一心可以事

百君百心不可以事一君此之謂也

列女傳周列
國魏芒慈母

鵠鵠鵠專一無尤君子是則長受嘉福

焦氏易林
乾之蒙

玉不隱瑕臣不隱情

曹子建
獻璧表

廢退其君而欲後主之愛已足矣異夫為人子而舉其所生捐之山谷而取他人養之而云我能為伯瑜曾參

之孝但吾親不中奉事故棄去之雖日享三牲昏定晨

省豈能見憐信邪

抱朴子外
篇良規

一得披玄雲望白日唯力是視敢有二心

文選謝靈運
鄴中詩註

如轉輪王七寶具足所謂輪寶象寶馬寶主藏臣寶女

寶將寶如意珠寶其轉輪王欲有所至四軍七寶前後

導從爾時輪寶雖最居先而不分別前後之相

波羅蜜
多經卷

三百五

十一

如轉輪聖王有四支勇軍隨彼輪王所行之處是四勇

軍皆悉隨從隨彼輪王所至之處是四勇軍皆悉隨至

波羅蜜多經卷

三百五十一

積誠

有孚盈缶終來有他吉

易比

納約自牖終无咎

易坎

九二遇主于巷无咎

易睽

九二巽在牀下用史巫紛若吉

易巽

流潦水之薄者也遠酌取之投大器之中又挹之注之

於此小器而可以沃酒食之饒者以有忠信之德齊潔之誠以薦之故也

鄭氏箋
詩河

猶乳犬攫虎伏雞搏狸精誠之至也

何休解公羊
莊公十二年

人欲上天而釋其階知其無由登也以言我欲事君而釋忠信亦知終無以自通也

王逸註楚
辭九章

若葵藿之傾葉太陽雖不為之迴光終向之者誠也臣竊自比葵藿若降天地之施垂三光之明者實在陛下

文選曹植

求通表

奏六代之樂不能祈天具百神之歌無以動聖

初學記
說官部

太師太

傅大保

和衷

二人同心其利斷金同心之言其臭如蘭

易上
繫

大臣之乖爭本無大讐其已相和順而悅懌則如賓主

飲酒相醕酢也

鄭氏箋詩
節南山

俱為王臣其相比次如物之在繩索之貫宜應和相親

毛詩正義

何人斯

有伯氏之兄吹壎又仲氏之弟吹篪以和之其情相親其聲相應和矣言我與汝何人其思亦當如伯仲之為兄弟其情志亦當如壎篪之相應和不當有怨惡也

毛詩

正義何人斯

視彼中林之處乃見雉然衆多者是其羣鹿鹿乃走獸猶以其類相善輩偶而行以喻朝廷羣臣亦當以善

相與共處官位

毛詩正義桑采

夫將相大臣均體元首共輿而馳同舟而濟輿傾舟覆

患實共之

後漢書朱暉列傳

當此之會乃鼃鳴而鼃應也故能同心戮力勤恤人隱

後漢書張

衡列傳

吾三人者之于齊國也譬之猶鼎之有足也去一焉則

必不立矣

管子大臣

投戈散地則六親不能相保同舟而濟則胡越何患乎

異心

周易畧例明文

務在和光同塵共垢各竟其心為國蕃輔

藝文類聚人部鑒誠詩

衆人同心者可共築起一城同心共飲雒陽酒可盡也

藝文類聚

居處部城

求助

勿疑朋盍簪

易豫

六四顛頤吉虎視眈眈其欲逐逐

易頤

擇

音托

兮擇兮風其吹女

音汝

叔兮伯兮倡

去聲

予和

去聲

女詩國

女 擇兮擇兮風其漂女叔兮伯兮倡予要女

腰音風

兮

擇兮鄭莊公卒公子爭立而齊楚交伐忠臣憂之欲相
率獻謀以救其國故作此詩

詩說
鄭

節然而高峻者彼南山也既高峻矣而又滿之使平均
者以其草木之長茂也以興赫赫然而盛者彼太師之
官也太師既尊盛矣而有益之使平均者以用衆士之
智能也

毛詩正義
節南山

有楚大夫於此欲其子之齊語也則使齊人傳諸使楚
人傳諸曰使齊人傳之曰一齊人傳之衆楚人咻之雖

日撻而求其齊也不可得矣引而置之莊嶽之間數年
雖日撻而求其楚亦不可得矣子謂薛居州善士也使
之居於王所在於王所者長幼卑尊皆薛居州也王誰
與為不善在王所者長幼卑尊皆非薛居州也王誰與
為善一薛居州獨如宋王何

孟子滕
文公下

夫苦匏不材於人共濟而已

國語
魯

唐睢見春申君曰臣聞之賁諸懷錐刃而天下為勇西
施衣褐而天下稱美今君相萬乘之楚禦中國之難所

欲者不成所求者不得臣等少也夫梟暴之所以為能者以散暴佐之也夫一梟之不勝不如五散亦明矣今君何不為天下梟而令臣等為散乎

戰國策楚
考烈王

二十八宿環北辰三十幅共一轂運行無窮輔拂股肱之臣配馬忠信行道以奉主上

史記太史
公自序

杜摯與母丘儉鄉里相親故為詩與儉求仙人藥一丸欲以感切儉求助也

魏志劉
劭傳註

鳥能遠飛遠飛者六翮之力也然無衆毛之助則飛不

遠矣

魏志崔琰傳註

今捨本土而託將軍者非為妻子也欲濟世務猶同舟

涉海一事不牢即俱受其敗

吳志呂範傳註

夫駢騶不總轡則非造父之肆日月不流光則非隋侯

之掌

晉書王接傳

夫覆載垂化必由四氣運其功曦曜望舒亦須五星助

其暉

南齊書魏虜傳

土相扶為牆人相扶為王

北齊書尉景傳

單者易折衆則難摧

北史土谷潭傳

夫方立之人維聖人而已如嬰者仄陋之人也若夫左

嬰右嬰之人不舉四維將不正

晏子春秋稷上

譬若築牆然能築者築能實壞者實壞能欣者欣然後
牆成也為義猶是也能談辯者談辯能說書者說書能
從事者從事然後義士成也

墨子耕柱

管仲隰朋從於桓公而伐孤竹春往冬反迷惑失道管
仲曰老馬之智可用也乃放老馬而隨之遂得道行山

中無水隰朋曰蟻冬居山之陽夏居山之陰蟻壤一寸而仞有水乃掘地遂得水以管仲之聖而隰朋之智至其所不知不難師於老馬與蟻今人不知以其愚心而師聖人之智不亦過乎

韓非子
說林上

嬰仄陋之人也四維之然後能直

說苑
臣術

王之國相比目之魚也外比內比然後能成其事就其功王曰何謂也逐女對曰朋其左右賢其夫妻是外比

內比也

列女傳周列
國齊孤逐女

夫道莫不成於三天有三光日月星地有三形高下平
人有三尊君父師故一公三卿佐之一卿三大夫佐之

一大夫三元士佐之

白虎通
封公侯

鹽人調鹽醯人調酢則五味成矣譬梓里治材土官治

牆則履屋成

劉劭人物
志材能註

百足俱行相輔為強三聖翼事王室寵光

焦氏易林
屯之履

拔劍傷手見敵不起良臣無佐困辱為苦

焦氏易林
咸之歸妹

言我令雷師豐隆乘雲周行求隱士清潔若宓妃者欲

與并心力也

王逸註楚辭離騷經

言我使鳳鳥明智之士飛行天下以求同志續以日夜

冀相逢遇也

王逸註楚辭離騷經

言已使清白之臣如望舒先驅求賢使風伯奉君命於

後以告百姓

王逸註楚辭離騷經

言飛鳥登高木志意喜樂則和鳴求其羣而呼其耦鹿

得美草口甘其味則求其友而號其侶也以言在位之

臣不思賢念舊曾不若鳥獸也

王逸註楚辭七諫

韓子曰鳥有周周者首重而屈尾將欲飲於河則以顛
乃銜羽而飲今人之所有飲不足者不可以不索其羽矣

李善註文選阮

嗣宗詠懷詩

恐足下羞庖人之獨割引尸祝以自助手薦鸞刀漫之

羶腥

文選嵇康
絕交書

昔子奇年十八齊君使之治阿既行矣悔之使使追之
使者及之而不還君問其故對曰臣見所以共載者白
首也夫以老者之智以少者決之必能治阿矣是以不

還

藝文類聚職官部令長

若能控奔驥以接駕乘則力追者萬羣循矯翅以顧短

翮則歸飛者如雲

太平御覽兵部鞞

不居

不耕而獲不畱而奮代終已成而不造也不擅其美乃

盡臣道

王弼註易无妄

竊人之財猶謂之盜况貪天之功以為己力乎

左傳僖公二十

年四

下邑之役董安于多趙簡子賞之辭固賞之對曰方臣
之少也進秉筆贊為名命稱於前世義於諸侯而主弗志
及臣之壯也者指其股肱以從司馬苛惡不產及臣之
長也端委鞶帶以隨宰人民無二心今臣一旦為狂疾
而曰必賞女是以狂疾賞也不如亡趨而出乃釋之

晉

國語

唐睢謂信陵君曰臣聞之曰事有不可知者有不可不
知者有不可忘者有不可不忘者信陵君曰何謂也對

曰人之憎我者不可不知也吾憎人也不可得而知也人之有德於我也不可忘也吾有德於人也不可不忘也今君殺晉鄙救邯鄲破秦人存趙國此大德也今趙王自郊迎卒然見趙王臣願君之忘之也

戰國策報安釐王

桃李不言下自成蹊此言雖小可以喻大也

史記李將軍傳論

雖涓流赴海誠心屢竭輕塵集岳功力蓋微

隋書楊素傳

地出雲為雨起氣為風風雨者地之為為地不敢有其功名必上之於天命若從天氣者故曰天風天雨也莫

曰地風地雨也勤勞在地名一歸於天非至有義其孰能行此故下事上如地事天也可謂大忠矣

春秋繁露五行對

為人下者其猶土乎種之則五穀生焉掘之則甘泉出焉草木植焉禽獸育焉生人立焉死人入焉多其功而不言為人下者其猶土乎

說苑臣術

指蹤非擬獲獸何勤

文選任昉彈曹景宗

戒妬

衆無名之星隨心燭在天猶諸妾隨夫人以次序進御

於君也

鄭氏箋
詩小星

朝廷侈於妬上婦人侈於妬下

何休解公羊
成公十年

女無美惡入室見妬士無賢不肖入朝見嫉美女者惡

女之仇豈不然哉

史記外
戚世家

魏王遺楚王美人楚王說之夫人鄭裒知王之說新人也甚愛新人衣服玩好擇其所喜而為之宮室卧具擇其所善而為之愛之甚於王王曰婦人所以事夫者色也而妬者其情也今鄭裒知寡人之說新人也其愛之

甚於寡人此孝子之所以事親忠臣之所以事君也鄭
裒知王以已為不妬也因謂新人曰王愛子美矣雖然
惡子之鼻子為見王則必掩子鼻新人見王因掩其鼻
王謂鄭裒曰夫新人見寡人則掩其鼻何也鄭裒曰妾
知也王曰雖惡必言之鄭裒曰其似惡君王之鼻也王
曰悍哉今剗之無使逆命

戰國策
楚懷王

蔽公者謂之昧隱良者謂之妒奉妒昧者謂之交譎交
譎之人妒昧之臣國之蕞孽也

荀子大
畧篇

士有妒友則賢交不親君有妒臣則賢人不至

荀子
大略

夫國不乏於妬男也猶家不乏於妬女也近古以來自

外及內其爭功名妬過已者豈希也

潛夫論
賢難

害賢為嫉害色為妬

王逸註楚辭離騷經

妬之欺善抑亦買首之讐也

文選潘安仁
馬汧督諫

僖侯時宰人上食羹中有生肝乃問之宰人曰當是人

置之欲去宰自處也後僖侯將浴湯中有礫僖侯曰有

人欲代湯者

意林
韓子

宋人有酤酒者斗檠甚平遇客甚謹醞酒甚美懸幟甚高而酒不售遂致於酸問閭長倩倩曰汝狗惡也孺子懷錢挈壺往酤輒有狗齧之猶大臣齧有道之士也

意林

韓子

譬如有狗前至他家見後狗來心生瞋恚齧齧吠之內

心起想謂是我家

法苑珠林卷九十

戒隨

股之為物隨足者也進不能制動退不能靜處所感在

股志在隨人者也

王弼註
易咸

腓體或屈或伸躁動之物腓動則足隨之故謂足為隨

周易正

義艮

以事類風切割微之言如水之流忽然而過故不悖逆

鄭氏箋詩

雨無正

文姜初嫁於魯桓之時其從者之心意如雲然雲之行

順風耳

鄭氏箋
詩敝筭

若世之所謂能言者以巧善為言從順於俗如水之轉

流理正辭順無所悖逆

毛詩正義
而無正

若以水濟水誰能食之若琴瑟之專一誰能聽之

左傳
昭公

二十
年

籩蔎口柔也戚施面柔也夸毗體柔也

爾雅

今日廷論局趣效轅下駒

前漢書
翟夫傳

方今一朝羣臣如河中木耳汎汎東西耽祿畏害

後漢
書陳

蕃列

傳

内外有司望風承旨苟有所惡易於投卵

晉書石苞傳

夫挑妾者愛其易求妻則敬其難若承命如響將焉用

之

宋書武二
王南郡傳

爾如狗耳為人所噬

北史宋
隱弁傳

所謂和者君甘則臣酸君淡則臣鹹今據也甘君亦甘

所謂同也安得為和

晏子春
秋諫上

有語我以忠臣者令之俯則俯令之仰則仰處則靜呼
則應可謂忠臣乎子墨子曰令之俯則俯令之仰則仰
是似景也處則靜呼則應是似響也君將何得於景與

響哉

墨子
魯問

晏子聘魯哀公問曰語曰莫三人而迷今寡人與一國
慮之魯不免於亂何也晏子曰古之所謂莫三人而迷
者一人失之二人得之三人足以為衆矣故曰莫三人
而迷今魯國之羣臣以千百數一言於季氏之私人數
非不衆所言者一人也安得三哉

韓非子內
儲說上

以水和水不可食一絃之瑟不可聽

淮南子
說林訓

吾以賢良為少愈乃反其幽明若胡車相隨而鳴

鹽鐵
論散

不足

草木秋死松柏獨在水浮萬物玉石留止

說苑
談業

百工不循繩墨之直道隨從曲水屋必傾危而不可居
也以言人臣不修仁義之道背棄忠直隨從枉佞苟合
於世以求容媚以為常法身必傾危而被刑戮也

王逸
註楚

辭離
騷經

當世之人見子胥被害則變心從俗以承上意若風靡

草羣聚成行而羅列

王逸註楚
辭七諫

毛芥因異風而飛沙石遭猛流而轉俗吏遇悖將而遷

王充論衡

狀留篇

頡頑萬乘之階抵噓公卿之席並順風以託勢莫能逆

波而汭洄矣

文心雕龍論說

論議委隨不能持正如樹木之無根柢也

前漢書註嚴助傳

欲談者卷舌不言待彼發而同其聲欲行者擬足不前

待彼行而投其跡

李善註文選揚子雲解嘲

魯哀公問於孔子曰魯有大忘從而忘其妻有諸孔子

曰此忘之小者也昔商紂有臣曰王子須務為諂使其

君樂須臾之樂而忘終身之憂

太平御覽人
事部迷忘

譬如白楊樹隨風而動搖

大智度論
卷二十二

喻林卷七十六

欽定四庫全書

喻林卷七十七

明 徐元太 撰

臣術門四

戒貪

九四晉如鼫鼠貞厲

易晉

碩鼠碩鼠無食我黍三歲貫女莫我肯顧 碩鼠碩鼠

無食我麥三歲貫女莫肯我德 碩鼠碩鼠無食我苗

三歲貫女莫我肯勞

詩國風碩鼠

碩鼠大夫貪戾魏人怨之而作是詩

詩說魏

老馬反為駒不顧其後如食

音嗣

宜鰕

音訖

如酌孔取

詩小雅角

弓

大風有隧貪人敗類

詩大雅桑采

伐檀刺貪也在位貪鄙無功而受祿君子不得進仕爾

毛詩

伐檀

鳩鵲鳩也食桑甚過則醉而傷其性

毛詩氓註

餅罄則罍盈矣罍既無情之物終不以自盈為恥故知

是為罌者恥

毛詩正義
正義

周芮良夫之詩曰大風有隧貪人敗類聽言則對誦言

如醉匪用其良覆俾我悖是貪故也孤之謂矣

左傳文
公元年

我以不貪為寶爾以玉為寶若以與我皆喪寶也不若

人有其寶

左傳襄公
十五年

象有齒以焚其身賄也

左傳襄公
二十四年

且夫富如布帛之有幅焉為之制度使無遷也夫民生

厚而用利于是乎正德以幅之使無黜嫚謂之幅利利

過則為敗吾不敢貪多所謂幅也

左傳襄公二十八年

梗陽人有獄魏戊不能斷以獄上其大宗賂以女樂魏子將受之魏戊謂閭沒女寬曰主以不賂聞於諸侯若受梗陽人賄莫甚焉吾子必諫皆許諾退朝待於庭饋入召之比至三歎既食使坐魏子曰吾聞諸伯叔諍曰唯食忘憂吾子直食之間三嘆何也同辭而對曰或賜二小人酒不夕食饋之始至恐其不足是以嘆中置自咎曰豈將軍食之而有不足是以再嘆及饋之畢願以

小人之腹為君子之心屬厭而已獻子辭梗陽人

左傳昭公

二十
八年

貴人之用心也與嬰兒子何其異哉嬰兒有常病貴臣有常禍父母有常失人君有常過嬰兒常病傷於飽也貴臣常禍傷於寵也哺乳多則生癩病富貴盛而致驕疾愛子而賊之驕臣而滅之者非一也

後漢書王符列傳

夫鳥以山為埤而增巢其上魚以泉為淺而穿穴其中卒所以得者餌也貴戚願其宅吉而制為令名欲其門

堅而造作鐵樞卒其所以敗者非苦禁忌少而門樞朽也常苦崇財貨而行驕僭耳

後漢書王符列傳

倉庫單於豺狼之口功業無銖兩之效

後漢書李陳龜列傳

北山有鷗不潔其翼飛不正向寢不定息饑則木攬飽則泥伏饕餮貪汙臭腐是食填腸滿嗉嗜欲無極長鳴呼鳳謂鳳無德鳳之所趨與子異域

後漢書朱暉列傳註

羣臣處官位受厚祿莫務治國者期於管國之重而擅其利牧魚其民以富其家

管子明法解

厚取之君而不施於民是為筐篋之藏也仁人不為也

晏子

雜下

鵠有文而貪鳶不擊而貪

師曠
禽經

夫魚鼈鼃鼃猶以淵為淺而掘其中鷹鳶猶以山為卑而增巢其上及其得也必以餌故君子苟能無以利害

義則恥辱亦無由至矣

荀子
法行

衛人嫁其子而教之曰必私積聚為人婦而出常也其成居幸也其子因私積聚其姑以為多私而出之其子

所以自反者倍其所以嫁其父不自罪於教子非也而

自知其益富今人臣之處官者皆是類也

韓子
說林

周鼎著饗饗有首無身食人未咽害及其身以言報更

也

呂氏春
秋先識

無周公之德而有其富無管仲之功而有其侈故編戶

跛夫而望疾步也

鹽鐵論
刺權

夫太山鷓鴣啄腐鼠於窮澤幽谷之中非有害於人也今

之有司盜主財而食之於刑法之旁不知機之是發又

以嚇人其患惡得若太山之鵠乎

鹽鐵論
毀學

當世囂囂非患儒之難廉患在位者之虎飽噬咽於求

賢無所子遺耳

鹽鐵論
褒賢

為醫以拙矣又多求謝為吏既多不良矣又侵漁百姓

鹽鐵論

疾貧

履泥汙足名困身辱

焦氏易林
大有之鼎

酷吏曰虎哉虎哉角而翼也貨殖曰蚊

揚子
淵塞

次五蚩蚩干于丘飴或錫之坏測曰蚩蚩之干錫不好

也

太玄經
第一千

上九于于浮雲從墜于天測曰于于浮雲乃從天墜也

太玄經

第一千

次三翕食囁囁測曰翕食囁囁利如舞也

太玄經
第五翕

次六次

音咨

次一日三餽祇牛之兆肥不利測曰次次之

餽肥無身也

太玄經
第六養

使餓狼守庖厨饑虎牧牢豚遂至熬天下之脂膏斲生

人之骨髓怨毒無聊禍亂並起

昌言理
亂篇

在位之人無有清潔之志皆並進趣貪婪於財利中心

雖滿猶復求索不知厭飽者也

王逸註楚辭離騷經

位高世重禍基美色伐性不疑厚味腊毒難治如何貪

人不思

嵇中散集名行顯患滋

畏亢悔而貪榮之慾不減忌毀辱而爭肆之情不遣亦

猶惡濕而泳深淵憎影而不就陰穿舟而息漏猛爨而

止沸者也

抱朴子外篇嘉遯

伺河龍之睡而撥明珠居量表之寵而冀無患耽漏刻

之安蔽必至之危無朝菌之榮望大椿之壽似蹈薄冰
以待夏日登朽枝而須勁風淵魚之引芳餌澤雉之咽
毒粒咀漏脯以充饑酣鴆酒以止渴也

抱朴子外
篇嘉遯

膏唇拭舌競欲咀嚼

補文選呂強
論宦官疏

撲滿者以土為器以蓄錢具其有入竅而無出竅滿則
撲之土麤物也錢重貨也入而不出積而不散故撲之
士有聚歛而不能散者將有撲滿之敗可不誠歟

西京
雜記

甘瓜抱苦蒂美棗生刺棘刺旁固有刀貪人還自賊

事類

賦界部

瓜註

貪欲無滿如海吞流終不滿足

大寶積金
卷八十二

戒盛

上九垢其角吝无咎

易
垢

高者懼危滿者戒盈豐大者多憂故也

韓康伯註
易雜卦

夫德福之基也無德而福隆猶無基而厚墉也其壞也

無日矣

國語
晉

常觀富貴之家祿位重疊猶再實之木其根必傷

後漢
書

后紀

長木之標其勢必顛勢極故也勢極則受惠故無全物

焉然則貴盛之極傾覆之所由也

後漢紀
孝安

門藏金穴地使其驕馬控龍媒勢成其逼

晉書
庾亮傳

性之有分盈分者顛

晉書
陳元達記

事窮運盡必於顛仆風起塵合而禍至常酷也

晉書
陸機傳

昔楚人得寵於觀起有馬者皆亡夫德薄任隆必近覆

敗吾恐不獲其利而招其禍

南史何之
元文學傳

三火起明雨滅其光高位疾顛驕恣深傷

焦氏易林大有之師

盛盈必毀高位崩顛

焦氏易林頤之大畜

次五鐘鼓喑喑管絃濟濟或承之衰測曰鐘鼓喑喑樂

後悲也

太玄經第二樂

次六熾承于天冰萌于地測曰承天萌地陽始退也

太玄

經第

三應

登峻者戒在於窮高濟深者禍生於舟重是以西秦有

思上蔡之李斯東越有悔盈亢之文種

抱朴子外篇博喻

養由之射行人識以弛絃東野之御顏子知其方敗成功之下未易久處也夫飲酒者不必盡亂而亂者多焉富貴者豈其皆危而危者有焉

抱朴子外篇知止

吾聞無熾不滅靡溢不損煥赫有委灰之兆春草為秋瘁之端日中則昃月盈則蝕四時之序成功者退遠取諸物則構高崇峻之無限則頽壞惟憂矣近取諸身則嘉膳旨酒之不節則結疾傷性矣況乎其高擬雲霄而積之猶不止其威震人主而加崇又不息者乎

抱朴子外篇知

止

隆隆者絕赫赫者滅有若春華須臾凋落

抱朴子外篇自叙

位高者必速顛仆也味厚者為毒久

前漢書註五行志

君垂恩有如冬日而臣戒懼常若秋霜

李善註文選王仲寶諸淵碑文

炎炎者滅隆隆者絕觀雷觀火為盈為實天收其聲地藏其熱高明之家鬼瞰其室攫拏者亡默默者存

文選楊子

雲解

朝

厚味腊毒豐屋生災

補文選潘尼乘輿箴

日不常中月盈有虧履道者固杖勢者危

廣文選崔子
璋外戚箴

月弦則滿日朝則襲咸池不留陽谷之上而懸車之後

將入也故求得者喪爭明者失

廣文選阮
嗣宗莊論

夫四道好謙三材忌滿祥萃虛室鬼瞰高屋豐屋有蔀

家之災鼎食無百年之貴

廣文選傳季
友演慎論

將軍不覩盛衰之紀成敗之符譬如野火在原蹈履河

冰火滅冰泮將何所依附

廣文選呂季
平答雍閭檄

強梁者亡掘強者折大健者跋大利者缺

意林太
元經

衣成則缺衽宮成則缺隅示不成也鬼神害滿也

意林說苑

蓋基薄墻高途遙力躓

藝文類聚人部言志書

爵高者人妬之官大者王惡之祿厚者怨處之

藝文類聚人部

妬

浮舟千仞吕梁之暢已深總轡萬尋懸車之懼非淺

藝文

類聚職官

部刺史表

日中則昃盈虛之定分器滿必傾往復之恒理

藝文類聚職官

部儀

同章

日不恒中月盈則虧崇山落峰高樹折枝

文苑英華梁武帝雜箴

譬如大樹根莖枝葉華果茂盛大枝先折亦如寶山大

巖先崩

雜阿含經卷二十四

水流不常滿火盛不久然日出須臾沒月滿已復缺尊

榮豪貴者無常復過是

罪業報應經尺二

憂國

彼黍離離彼稷之苗行邁靡靡中心搖搖 彼黍離離

彼稷之穗

音遂

行邁靡靡中心如醉 彼黍離離彼稷之

實行邁靡靡中心如噓

音咽叶於悉反
詩國風黍離

匪風發

叶方月反

兮匪車偈

音罕

兮顧瞻周道中心怛

叶旦悅反

兮

匪風飄

叶匹妙反

兮匪車嘌

音漂叶匹妙反

兮顧瞻周道中心弔兮

詩國風

匪風

蜉蝣之羽衣裳楚楚心之憂矣於我歸處 蜉蝣之翼

采采衣服心之憂矣於我歸息 蜉蝣掘閱麻衣如雪

心之憂矣於我歸說

音稅詩國風蜉蝣

鷦鷯鷽鷽既取我子無毀我室恩斯勤斯鬻子之閔

叶眉

平 斯 詩國風

鵲

沔

音

彼流水朝宗于海歟彼飛隼載飛載止嗟我兄弟

邦人諸友莫肯念亂誰無父母

沔彼流水其流湯湯

音

傷歟彼飛隼載飛載揚念彼不蹟載起載行心之憂矣

不可弭忘

詩小雅

憂心如惓

音不敢戲談 詩小雅

不敢暴虎不敢馮河人知其一莫知其他

音施 詩小雅

蹶蹶

音

周道鞠

音

為茂草我心憂傷惄

音

馬如擣

詩小雅

弁

苕音條之華芸其黃矣心之憂矣維其傷矣苕之華其葉

青青音精知我如此不如無生詩小雅苕之華

園有桃君子憂國而嘆之詩說魏

山有樞唐人憂國之詩詩說唐

蟋蟀君忘國危曹大夫閔之而作詩說曹

兔爰閔周也桓王失信諸侯背叛構怨連禍王師傷敗

君子不樂其生焉毛詩兔爰

鴟鴞周公救亂也成王未知周公之志公乃為詩以遺

王名之曰鴟鴞焉

毛詩
鴟鴞

黍離閔宗周也周大夫行役至于宗周過故宗廟宮室

盡為禾黍閔周室之顛覆彷徨不忍去而作是詩也

毛詩

黍離

陵苕之英華木紫赤而繁多至今亦芸然其色黃而衰

矣以興周室之諸夏本兵強國盛今其師病而微矣陵

華衰則將落落則苕幹特立矣諸侯師病則將敗敗則

京師孤弱矣

毛詩正義

抑人亦有言曰嫠不恤其緯而憂宗周之隕為將及焉

左傳昭公

二十四年

詩曰鉶之罄矣惟罍之恥王室之不寧晉之恥也

左傳昭公

二十

四年

夫五運攸革三微數盡猶高秋彫候理之自然觀其搖

落人有為之流連者也

晉書恭帝紀

枳棘充路陟之無緣將伐無柯患茲蔓延

孔叢子記問

大王獨不聞古之將曰桓司馬者朝朝其君舉而晏御
呼車驂亦呼車御肘其驂曰子何越云為乎何為藉呼
車驂謂其御曰當呼者呼乃吾事也子當御正子之轡
銜耳子今不正轡銜使馬卒然驚妄轢道中行人必逢
大敵下車免劍涉血履肝者固吾事也子寧能辟子之
轡下佐我乎其禍亦及吾身與有深憂吾安得無呼車
哉今大王曰食肉者已慮之矣藿食者尚何與馬設使
食肉者一旦失計於廟堂之上若臣等之藿食者寧得

無肝膽塗地於中原之野與其禍亦及臣之身臣與有其
深憂臣安得無與國家之計乎

說苑
善說

子又不聞郢人之歌乎其辭曰故厦將顛兮奈良工何
椳題媛兮斲而為窩昔周室顛而椳題媛者齊晉也斲
齊晉之椳題而治公室者則管仲鮑叔牙寧戚狐偃趙
衰叔向皆良工也是以能伯諸侯而強公室

天祿閣外
史漁論

魯漆室邑之女過時未適人倚柱而嘯鄰婦曰子欲嫁
乎曰非也予憂者魯君老太子幼鄰婦曰此丈夫之憂

也女曰不然昔有客過繫馬園中踐予葵使予終歲不
飽葵鄰女奔使予兄追之逢水溺死使予終身無兄予
聞河潤九里漸洳三百步今魯國有患君臣父子被其
辱婦女獨安所避乎

事文類聚憂
世戰國策

棖棟維新便復有黍離之嘆

何氏語
林方正

重國

維柞之枝其葉蓬蓬樂只君子殿

多見
反

天子之邦

詩小
雅采

菽

山之有草木以自覆蓋成其高大喻人君有賢臣以自

尊顯

鄭氏箋詩南山有臺

毛先生一至楚而使趙重於九鼎大呂毛先生以三寸

之舌彊於百萬之師

史記平原君傳

山有猛獸藜藿為之不采國有忠臣姦邪為之不起

前漢

書蓋寬

饒傳

海產明珠所在為寶楚雖有才晉實用之英偉君子所

游見珍何必本州哉

吳志張肱傳註

良臣如猛獸高步通衢而豺狼避路信矣

晉書石季龍上傳

國家將墜公惟棟梁

周書蘇綽傳

夫臣所在辟除開塞者亦遠矣故春秋曰山有虎豹葵

藿為之不採國有賢士邊境為之不害也

鹽鐵論崇禮

仁人也者國之寶也智士也者國之器也博通士也者

國之尊也

新序雜事四

竇武陳蕃以執政為朝廷重讜議合如應響忠謀奮如

疾雷然諾相許確如太山

天祿閣外史黨錮

神有以開之必先為之生賢智之輔佐若天將降時雨

山川為之出雲也

李善註文選李
蕭遠運命論

常聞山有藏玉則卉草常榮林有猛獸則叢枝莫採是

以漢儀禮見皇王之迹有真周禮猶存龜蒙之田無改

藝文類聚雜

文部連珠

澤民

見龍在田德施普也

易乾

芄芄

音達

黍苗陰雨膏

去聲

之悠悠南行召伯勞

去聲

之

詩小雅

黍

苗

金史卷之七十七

卷七十七

視民如子見不仁者誅之如鷹鷂之逐鳥雀也

左傳襄公二十

年五

今有受人之牛羊而為之牧之者則必為之求牧與芻
矣求牧與芻而不得則反諸其人乎抑亦立而視其死

與

孟子公孫丑下

禹思天下有溺者由已溺之也稷思天下有饑者由已

饑之也是以如是其急也

孟子離婁上

思天下之民匹夫匹婦有不被堯舜之澤者若已推而

內之溝中

孟子萬章上

醫無方術云吾能治病問之曰何用治病曰用心意病者必不信也吏無經學曰吾能治民間之曰何用治民曰以材能是醫無方術以心意治病也百姓安肯信嚮而人君任用使之乎

王充論衡量知篇

木而進淵知為船以濟水猶君子之濟民也

太玄經第二進解

木生肥丘根莖見育猶君子以義化人人得以如草木

之生肥丘也

太玄經第
六養解

時雨隨車棠陰逐蓋

文苑英華
隋煬帝誄

乃是入境移風非直停車待雨

文苑英華
庾信傳

習習晨風動澍雨潤乎苗郡后恤時務我民以優饒

太平

御覽職官部

良太守下

相道

朝夕納誨以輔台德若金用汝作礪若濟巨川用汝作

舟楫若歲大旱用汝作霖雨

書說
命上

尹氏作大師之官為周之桎鐻

鄭氏箋詩
即南山

五行氣和則月依其時而生上配日也猶若治理得所

臣之功成進受爵位上配君也

禮記正
義禮運

今將軍規撫

讀曰
模

云若管晏而休遂行日仄至周召乃

留乎

前漢書蕭
望之傳

陛下之有尚書猶天之有北斗也斗為天喉舌尚書亦

為陛下喉舌斗斟酌元氣運乎四時尚書出納王命賦

政四海

後漢書
李固傳

比之大廈其揀擷之佐乎

晉書高嵩傳

人官之大者不名所職相其是矣天官之大者不名所

生土是矣

春秋繁露五行之義章

御之良者善調馬相之賢者善使士今舉異才而使減
騶御之是猶扼驥鹽車而使責之疾此賢良文學多不

稱舉也

鹽鐵論利議

天設三光以照記天子立公卿以明治故曰公卿者四

海之表儀神化之丹青也

鹽鐵論相刺

常星猶公卿也衆星猶萬民也列星正則衆星齊常星

亂則衆星墜矣

鹽鐵論
論菑

大王知國之柱乎王曰不知也逐女曰柱相國是也夫
柱不正則棟不安棟不安則榱橈墮則屋幾覆矣王則
棟矣庶民榱橈也國家屋也夫屋堅與不堅在乎柱國
家安與不安在乎相今大王既有明知而國相不可不
審也

列女傳周列
國齊孤逐女

子誠不習於禮不達於人事以此相一國據大衆何以

理之譬猶掩目而別黑白也掩目而別黑白猶無患也

不達人事而相國非有天咎必有人禍

列女傳周列國魯公乘如

次七升于顛臺或柱之材測曰升臺柱輔弗堅也

太玄經第

上

次三柱不中梁不隆大厦微測曰柱不中不能正基也

太玄經

第三疆

在棟伊湮于鼎斯寧

蔡中郎集太尉楊公碑

天垂三台地建五岳降生我哲應鼎之足

蔡中郎集汝南李公碑

國之有輔如屋之有柱柱不可細輔不可弱柱細則害

輔弱則傾

武侯十六策舉措

大臣者君之股肱耳目也所以視聽也所以行事也

徐幹

中論審

大臣

屋之須柱梁猶治之須宰相也柱梁不固故屋微宰相

不賢則國危

太玄經第三疆解

三公象五岳在天法三能

能即台也李善註文選廬子諒贈劉琨詩

瞻旦爽而齊軫軼變龍而長驚百辟翹首譬列宿之仰

望舒千里結轍若派流之宗江漢

藝文類聚職官部太尉碑

負日月於中衢擊雷霆於上路德表生民作舟梁於夷

夏器含羣物制天淵於廟堂

正法念處經序

擇主

鳳凰鳴于山脊之上者居高視下觀可即止喻賢者待

禮乃行翔而後集

鄭氏箋詩卷阿

交交黃鳥止於棘義以求安棘若不安則移去以興臣

仕於君以求行道道若不行則移去

毛詩正義黃鳥

行人之欲息於茂蔭似諸侯之願朝於有德

毛詩正義苑柳

鳳凰之將出則先鳴於高山之脊居高視下觀可集止
見其梧桐生矣於彼山東之朝陽乃往集之以興賢者
之將仕也則相時待禮擇可歸就見其明君出矣於彼
仁聖之治世乃往仕之梧桐之生則葦葦萋萋而茂盛
以興明君亦德盛也鳳凰之鳴也則雖雖喈喈然音聲

和協以興民臣亦和協也

毛詩正義卷阿

鳥則擇木木豈能擇鳥

左傳哀公十一年

國安其主好文則鳳凰居之國亂其主好武則鳳凰去

之

竹書紀年上

貞婦不嫁破亡之家仁賢不官絕滅之國

吳越春秋勾踐入臣外傳

聯翩輕栖集還為燕雀嗤

魏志劉邨傳註

以足下聰明揆殷勤之聖意亦足悟海岱之所常在知

百川之所宜注矣

蜀志許靖傳註

風雲之從龍虎賢哲之應聖明

隋書高祖下帝紀

魯季孫新弑其君吳起仕焉或謂起曰夫死者始死而

血已血而蚬已蚬而灰已灰而土反其土也無可為者

矣今季孫乃始血其母乃未可知也

韓子
說林

孔思請行魯君曰天下主亦猶寡人也將焉之孔思對
曰蓋聞君子猶鳥也駭則舉魯君曰主不肖而皆以然
也違不肖過不肖而自以為論天下之主乎凡鳥之舉
也去駭從不駭去駭從不駭未可知也去駭從駭則鳥

曷為舉矣孔思之對魯君也亦過矣

呂氏春
秋審應

奮翅鼓翼將之嘉國

焦氏易林
隨之小畜

舉趾振翼南至嘉國

焦氏易林
盛之隨

亂君之門佐鬪傷跟營私貪祿身為悔殘

焦氏易林
咸之豐

工不量度其鑿而方正其桷則物不固而木破矣臣不

度君賢愚竭其忠信則被罪過而身殆矣

王逸註楚
辭離騷經

屈原得祝融御已即時還車將即中土乃使仁賢若鸞

鳳之人因迎貞女如洛水之神使達已於聖君得若皇

帝帝堯者欲與建德成化制禮作樂以安黎庶也

王逸
註楚

辭遠

遊

鴻鵠養其羽翼一舉則見山川之屈曲再舉則知天地之園方身居益高所睹愈遠賢者亦宜高望遠慮以知

君之賢愚也

王逸註楚辭惜誓

鸞鳥鳳凰乃高飛於天大荒之野循於四極回周而戲見仁聖之王乃下來集歸於有德賢者亦宜處山澤之中周流觀望見高明之君乃當仕也

王逸註楚辭惜誓

鸞鳳俊鳥也有聖德君則來無德則去以興賢臣難進

易退也

王逸註楚辭九章

夫君猶器也臣猶物也器小物大不能相受也髻孺背千金而逐蚋蜚越人棄八珍而甘鼃黽即患不賞好又病不識惡矣夫不用則雖珍而不貴矣莫與則傷之者必至昔衛靈聽聖言而數驚秦孝聞高談而睡寐而欲緝隆平之化牧良能之勲猶却行以逐馳適楚而首燕也

抱朴子外
篇官理

豹狐之裘不為負薪施九成六變不為聾夫設高唱遠謀不為庸愚吐忘身致果不為薄德作

抱朴子外
篇博喻

玄雲為龍興非虺蜥所能招也。颯風為虎發非狐貉之

能致也。是以大人受命則逸倫之士集，玉帛幽求則邱

園之俊起。

抱朴子外篇廣譬

鳥有擇木之性，魚有選潭之情。

劉子託附

龍蟄風雲而後升，士須明君而後進。

前漢書註揚雄傳

屈原以高行仕楚，亦猶資美女之鬒，賣於九戎而求其

利，必不得也。

前漢書註揚雄傳

月明星稀，烏鵲南飛，繞樹三匝，何枝可依。

文選魏武帝短歌行

鳳凰集南嶽徘徊孤竹根於心有不厭奮翅凌紫氛豈
不常勤苦羞與黃雀羣何時當來儀將須聖明君

文選
劉楨

贈從
弟詩

朝鴈鳴雲中音響一何哀問子遊何鄉戢翼正徘徊言
我塞門來將就衡陽棲往春翔北土今冬客南淮遠行
蒙霜雪毛羽日摧頽常恐傷肌骨身隕沈黃泥欲因雲

雨會濯翼陵高梯

文選建
章臺詩

棲鳳難為條淑貺非所臨

文選王僧達
答顏延年詩

虬虎雖驚風雲未和潛魚擇淵高鳥候柯

文選東宏
名臣序贊

鳥擇高梧臣須顧眄

文選袁宏
名臣序贊

鳥則擇木臣亦簡君

文選潘岳
楊荊州誄

高鳥相木而集智士擇土而翔

意林
阮子

厭禋祀於故墟饗禴祭於東鄰

藝文類聚人
部言志賦

誠以枯澤非應龍之淵棘林非鸞鳳之窟昔食其自匿

監門非高祖不長揖孔明躬稼南陽非劉氏不馳驅望


雲霄而偶翮見鴻漸之輕羽瞻長塗而高鳴知騏驥之

迅足

太平御覽人
事部交友二

正當遊翔擇木待倚桐竹實耳

弘明集
十一



喻林卷七十七